


和二十五册

卷之第二十五

人物



甘肅通志卷之三十五

人物

平涼府

漢梁 統字仲寧安定烏氏人 大夫梁益耳 後

剛直而好法 史始名拜酒泉太守會更如 赤骨

入長安統與嘗 起兵保境衆

太守為政嚴孟 行郡建武 遣使詣關奉

詔加統為宣德將軍八年光武自征隗囂 將兵會

車駕封統為成義侯後詣京師更封高山侯拜大中

大夫統在朝廷數陳便宜以為宜重刑罰以遵舊典
後出為九江太守封凌鄉侯統在郡有治冰吏人畏
愛之子松嗣

梁 松字伯孫為虎 郎將博通經書明習故爭
與諸儒修明堂 研雍郊祀封禪禮儀永平六年遷太
僕子扈亦敦詩書為長樂少府

梁 竦字叔敬少習 嘗坐亭南徙濟沅湘感
悼子 屈原乃作 騷賦繫石而沉之後遷平 祁閉
門自養以經籍為娛著書數篇名曰七序班固稱之

性好施不事 業嘗嘆曰大丈夫生當封侯死當廟
食如其不然閑 居可以養志詩書足以自娛州郡之
職徒勞人耳後 辟命交 並無所就章帝納其二女
皆為貴人小貴 人生和帝永 九年追尊恭懷皇后
追封諡竦 襄 愍侯封子棠為 永平侯棠 弟雍乘氏
侯雍弟翟單父 侯雍 子 奇

梁 商字伯夏竦之孫以外戚拜郎中陽嘉元年女
立為皇后以商為大將軍商自以戚屬居 位每存
謙柔虛已進賢京師翕然稱為良輔每有饑饉輒載

租穀賑與貧餒不宣已惠檢御門族未嘗以權盛干法中常侍張達等譖商帝怒收達等悉伏誅辭所連染及在位大臣商上疏請罪止首惡帝納之病篤敕子曰氣絕之後歛以時服無更裁制祭食如存無用三牲及薨諸子欲從其誨朝廷不聽諡忠侯

李恂字叔英安定臨涇人少習韓詩教授諸生嘗數百人太守潁川李鴻請署功曹永及到而州辟爲從事合鴻卒恂不憲州命而送鴻喪還鄉里旣葬持喪三年後拜侍御史持節使幽州宣布恩澤所過圖

寫山川屯田聚落封奏章帝嘉之拜兗州刺史以清約率下常席羊皮服布被選張掖太守有威重名時大將軍竇憲兵屯武威六下州郡莫不修禮遺恂奉公不阿爲憲所奏免後徵拜謁者使持節領西域副校尉西域數國恂奴婢宛馬金銀香罽之屬一無所受道路夷清威恩並行遷武威太守後坐事免步歸鄉里與諸生織席自給會西羌戶畔恂到田舍爲所執獲羌素聞其名放遣之恂因詣洛陽謝以歲荒司空張敏司徒魯恭等各遣子饋糧悉無所受居新安

關下拾橡實以自給年九十六卒

皇甫規字威明女定朝那人祖稜度遼將甲父旗扶
風都尉永和六年西羌侵安定郡將知規有兵畧乃
命爲功曹使將甲士八百與羌交戰有功梁太后臨
朝規舉賢良方正對策梁冀忿其刺已下筆免歸州
郡承冀旨幾陷于死遂以詩少教授門徒積十四年
後梁冀誅旬月之間禮節五至皆不就泰山賊侵亂
郡縣徵拜泰山太守到官廣設方畧寇虜悉平熹
四年秋叛羌寇關中規請自効三公舉規爲中郎將

討破之諸羌慕規威信相勸降者十餘萬東羌乞降
涼州復通論功賞封而中常侍徐璜左瑄欲從水貨
規終不答遂排陷坐繫廷尉論輸左校諸公及太學
生張鳳等三百餘人詣闕訟之會赦歸家徵拜度遼
將軍上書薦曰郎將張奐以自代規自以漣在大位
欲退避數上病不見聽會友人王旻喪還規越界迎
之因令客密告并州刺史胡芳使舉奏芳曰威明欲
避第仕途吾當爲朝廷愛才遂無所問及黨事大起
規自以西州豪傑恥不得與乃先自上言臣前薦故

大司農張奐是附黨也又臣昔論輸左校時太學生張鳳等上書訟臣是爲黨人所附也臣宜出之朝廷知而不問在事數載北邊威服遷弘農太守封壽城亭侯不受轉護羌校尉所著書二十七篇

皇甫嵩字義真規兄子父節鴈門太守嵩少有文武志介好詩書習弓馬舉孝廉茂才俱不起靈帝徵爲議郎遷北地太守黃巾以起召羣臣會議嵩以爲宜解黨禁帝從之以嵩爲左中郎將討黃巾波才於陽翟擊彭脫於西華並破之禽卜巳又討張角弟梁寶

悉破斬之先後生擒斬首降服三十餘萬人角死剖棺戮屍傳首京師封槐里侯領冀州牧奏請冀州一年田租以贍饑民帝從之民歌其德信都令閭忠說嵩建不賞之功北面庸主無以自安後悔莫及嵩守節不屈忠亡中常侍趙忠張璠憾嵩奏收卹綬更封都鄉侯五年梁州賊三國圍陳倉復拜左將軍督兵擊大破之斬首萬餘級國走死董卓故怨嵩及秉政乃徵嵩爲城門校尉有司承旨奏嵩下吏將遂誅之嵩子堅壽泣抹得免及卓誅復拜征西將軍遷車

騎將軍又拜大尉爲光祿大夫嵩爲人愛慎盡勤前後上表陳諫五百餘事皆有補益皆手書草不宣於外又折節下士門無留客人皆稱而附之

魏胡 遵安定臨涇人十象文武累居藩鎮至車騎將軍封陰密侯

晉胡 奮字元威安定臨涇人魏車騎將軍遵子性開朗有籌畧少好武事司懿伐遼東以白衣侍從左右甚見接待驍騎略蕃討劉猛奮爲監軍擊破之以功遷征南將軍都督荊州加散騎常侍奮家世將門

晚乃好學所立有聲績居邊特著威惠女爲武帝貴人甚見寵待加鎮東大將軍開府儀同三司時楊駿以后父驕傲奮曰卿恃人更益豪卑歷觀前代與天家婚未有不滅門者但早晚事耳駿衙之而不能害後卒於官贈驍將軍諡曰壯

皇甫謐字士安安定朝那人漢太尉嵩曾孫出後叔父年二十不學所後叔母任氏責其不學對之流涕謐乃感激居貧躬自稼穡帶經而農遂博覽典籍百家之言沉靜寡欲始有高尚之志以著述爲務自號

元晏先生遂不仕耽翫典籍忘寢與食時人謂之書
 淫舉辟皆不行或勸應命謚為釋勸論以通志武帝
 屢詔敦迫謚辭切言至遂見聽許自表就帝借書帝
 送書一車與之所著詩賦誄誦又撰帝王世紀年歷
 高士逸士列女等傳元晏春秋並重於世

皇甫方回安定朝那人謚子少遵父操兼有文才永
 嘉初徵博士不起避亂州閉戶閑居未嘗入城府
 蠶而後衣耕而後食先人後已尊賢愛物南土人士
 咸崇敬之刺史陶侃禮之甚厚每造之著素士服望
 門輒下而進

張軌字士彥安定烏氏人少明敏好學有器望與
 同郡皇甫謐善隱於宜陽汝几山張華與軌論經義
 及政事損益甚審之除太子舍人累遷散騎常侍公
 卿舉勳才堪不遠永寧初出為涼州刺史鮮卑反軌
 到官即討破之威著西州化行河右立學校行鄉射
 之禮及河間成都二王之難遣兵三千東赴京師永
 興中鮮卑若羅拔能為寇軌擊斬之俘十餘萬口威
 名大震惠帝遣加安西將軍大城姑臧永嘉初東羌

校尉韓雅殺秦州刺史張輔軌討之雅降王彌寇洛陽軌擊破之又馭劉聰於河東帝嘉其忠封西平郡公不受遣使貢獻歲時不絕胡廷嘉之京師饑匱軌卽遣參軍杜勲獻馬五百匹氈布三萬疋帝遣使拜鎮西將軍都督隴右諸軍事劉聰逼洛陽軌遣兵入衛及京都陷軌馳檄關中翼戴帝室秦王爲皇太子遣使拜爲驃騎大將軍儀同三司固辭在州十三年寢疾遺令將佐盡忠報國務安百姓諡曰武子寔梁席闡文安定臨涇人少孤貧涉獵書史齊初爲雍州刺史梁武帝受禪除都官尙書出爲東陽太守在郡有能名冬至悉放獄中囚依期而至改封湘西侯卒官諡曰威

魏胡國珍字世玉安定臨涇人魏靈太后父也國珍少好學雅尙清介太和中襲父爵爲武始侯以女選入掖庭生孝明及卽位靈太后臨朝加侍中封安定郡公進位中書監儀同三司同釐庶政與侍中崔光俱授帝經侍直禁中國珍上表陳刑政之宜皆施行靈太后以國珍年老加持節都督雍州刺史不欲令

其在外就宅拜之靈太后孝明率百僚幸其第宴會
 極歡國珍年雖篤老而雅敬佛法時事齋泐自彊禮
 拜至於出入侍從猶能跨馬據鞍薨年八十追崇太
 師號太上秦公加九錫諡文宣

席法友安定 涇州人 祖父南奔梁法友仕齊以膂力
 自効遷安豐新蔡二郡太守後歸魏拜豫州刺史恬
 靜自安不競世利武宣 除濟州刺史 以廉和著稱
 卒諡襄侯

皇甫和字長 號安定朝那人 祖澄秦涼二州刺史父
 徽安定畧陽二郡太守和年十一而孤母夏侯氏才
 明有禮則授以經及長深沉有雅量尤明禮儀宗親
 凶吉多相咨訪終濟陰太守

皇甫亮字君翼和弟神武命為大行臺郎中亮率性
 任真不樂劇職除司徒東閣祭酒後降梁以母兄在
 北求還梁帝不奪至鄴無復宦情入白鹿山恣泉石
 之賞賦詩超然自樂性純樸無片言矯飾後除仁城
 太守病不之官終於鄴

胡方回安定臨涇人父儀周黃門侍郎方回仕赫連

屈丐為中書侍郎博史籍善文辭太武破赫連昌獲之為北鎮司馬為鎮修表帝善之名為中書博士賜爵臨涇子遷侍郎改定律制司徒崔浩與一時胡賢並愛重之清貧守道以壽終

鄧彥海安定、祖羗為苻堅車騎將軍父翼為河間相彥海性真素言行可復博覽羣書長於易筮道武定中原擢為著作郎彥海明解制度多識故事與尚書崔宏參定朝儀律令音樂及軍國文記詔策謹於朝事未嘗忤旨

韓茂字元真安定安武人茂年十七膂力過人尤善騎射魏明元征丁零茂為中軍執幢時大風諸旌旗皆偃仆茂於馬上持_上初不傾倒帝異之擢為武賁郎將從太武討赫連昌大破之賜爵蒲陰子又從征統萬大破之平平涼當茂所衝莫不應刃而殪進爵九門侯又征蠕蠕頻戰大捷進爵安定公太武南征茂出青州降者相繼還拜僕射文成踐祚拜尚書令加侍中征南大將軍茂沉毅篤實議論入理善於撫衆勇冠當時卒贈安定王諡曰桓

胡 叟字倫許安定臨涇人少聰敏年十三辨疑釋理知名鄉國學不師受披讀羣籍再閱於口皆誦於口好屬文入長安時京兆韋祖思多茂時彥待叟不足叟拂衣而出祖思固留之叟曰論天人者其亡久矣與君相知可夸言若是遂去時年十八歸魏以其識機賜爵始復舅家於密雲尋歸家不事產業饑貧不以爲恥見榮華者視之蔑如也尚書李敷遺以財不取少孤每言及父母則淚下密雲左右皆祇仰其德

齊金 祚字神敬安定涇州人性驍雄尚氣俠魏末以軍功至大中大夫討平邢杲歷涇岐二州刺史賀拔岳表授東雍州刺史令討仇池氏楊紹先於百頃岳爲侯莫陳悅所殺祚克仇池還莫知所歸神武遣行臺侯景論祚解甲而還封安定縣公卒贈司空

彭 樂安定人驍勇善騎射隨齊神武韓陵之役樂先登陷陣賊衆大潰封樂城縣公除肆州刺史天平四年從神武西討與周文相距樂請決戰醉入深被刺腸出內之不盡截去復戰芒山之役樂以數千

精騎為右甄衝西軍所向奔退遂馳入周文營俄告捷諸軍乘勝斬首三萬餘西軍退神武使追之周文大窘而走獲周文金帶一束以歸神武雖喜其勝且怒其失周文令伏諸地親按其頭連頓之取絹二千疋壓樂因易之累遷司徒封陳留王

周梁 昕字元明安定烏氏人祖重耳葭縣令父勸儒中散大夫昕少溫恭見州里周文帝迎魏孝武昕以三輔望族上謁周文見昕容貌瓌偉即授右府參軍累遷東荆州刺史有仁惠聲後進開府儀同三司

明帝進爵胡城縣伯出為陝州總管府長史性溫裕有幹能歷官咸著聲稱卒諡曰貞

席 固字子堅安定人少有遠志梁大同中為齊興郡守士多附之遷興州刺史大統中歸魏周文甚禮遇之拜豐州刺史累封靜安郡公昌州刺史固居家孝友蒞官頗有聲績卒於州諡曰肅子雅少以孝聞位大將軍

隋皇甫績字功明安定朝那人祖穆魏隴東太守父道周湖州刺史績三歲而孤外祖韋孝寬愍其孤幼不

加嚴訓績歎曰我無庭訓何以自立遂感激好學畧涉經史周武帝時引為侍讀轉宮尹中士帝避暑雲陽宮衛刺王作亂百僚多逃績聞難赴之遇太子於元武門太子執績手悲喜交集帝聞而嘉之開皇初拜都官尙書出為晉州刺史言陳有三可滅上嘉勞而遣之及陳平拜蘇州刺史高智慧等作亂破之拜信州總管徵還京師諡曰安

牛弘字里仁安定鶉觚人父允魏侍中臨涇公弘性寬裕好學博聞仕周為記室內史掌文翰襲父封

臨涇公隋開皇初授散騎常侍秘書監弘以典籍遺

逸上表請開獻書之路納之詔獻書一卷賚縑一

疋一二年間經籍畧備進爵奇章公後拜禮部尚書

敕脩撰五禮勒成百卷行世弘請依古制脩立明堂

上以時事草倉未遑制作竟寢不行六年除太常卿

九年詔定雅樂又作樂府歌詞撰定圜丘五帝凱樂

并議樂事上善其議詔弘與姚察等正定新樂是後

議置明堂詔弘條上故事上甚敬重之時以素恃才

矜貴輕侮朝臣唯見弘未嘗不改容自肅素將擊突

厥詣弘言別弘送素至中門而止素曰大將出征故來叙別何相送之近也弘遂揖而退素笑曰奇章公可謂其愚不可及也尋拜吏部尚書詔與楊素蘇威薛道衡許善心虞世基崔子發等并名諸儒論新禮隆殺輕重弘立議衆咸推服獻皇后喪塲素謂弘今日之事決在於公弘斯須之間儀注悉備皆有故實素嘆曰衣冠禮樂盡在此矣非吾所及也弘在吏部其選舉先德行而後文才務在審慎用多稱職隋之選舉於斯爲最時論彌服大業二年進位上大將軍六年從幸江都卒贈文安侯諡曰憲有文集十三

卷行世

梁 睿字恃德安定烏氏人父禦西魏太尉睿少沉敏有行檢周太祖時襲爵廣平郡公進蔣國公歷涼安二州總管睿有惠政後益州總管王謙反命睿爲行軍元帥率兵討謙斬之劍南悉平威震西川進位上柱國睿威惠兼著民夷悅服聲望逾重隋高祖受禪眷待彌隆睿復上平陳之策上善之時厥方彊復陳鎮守之策十餘事上嘉歎久之睿自以周代舊

臣久居重鎮，戎名太盛，內不自安，遂謝病闔門不交。當代卒諡曰襄。

梁毗字景和，安定烏氏人。祖越魏涇、豫、洛三州刺史，邵陽縣公。父茂，周滄、堯二州刺史。毗性剛褻，頗有學涉。隋初拜台書侍御史，遷雍州贊務。直道而行，無所回避，頗失權貴心。出爲西寧州刺史。先是蠻夷酋長以金多者爲豪雋，每守干戈，畧無寧歲。毗患之後，因諸酋長相率以金遺之。毗置金座側，對之慟哭，謂曰：「此饑不可食，寒不可衣。汝等以此相滅，今將此來。」

欲殺我耶！一無所納，悉以還之。於是蠻夷感悟，遂不相攻。徵爲大理卿，持法平允，進位上開府。因上封事，抗言楊素擅權寵作威福，利國家有事，帝重其不屈，素任寄隆重，多所折挫。朝士懼伏，有改與相是非，詞氣不撓者，獨毗與柳彧、李綱而已。大業初，遷刑部尚書，攝御史大夫事。劾宇文述私役部兵，固爭之。梁彥光字脩芝，安定烏氏人。祖茂，魏秦華二州刺史。父顯，周荊州刺史。彥光少有至性，七歲時，遇篤疾，藥求紫石英，不得。彥光憂瘁，忽於園中見一物，不識。

怪而持歸卽紫石英也人咸異之謂至孝所感隋高祖受禪爲岐州刺史甚有惠政嘉禾連理出於州境開皇二年上幸岐州悅其能下詔褒美岐州俗淳以靜鎮之合境大化課最第一轉相州刺史相俗多詐爲之作歌稱其不能理化坐免歲餘拜趙州刺史彥光請復爲相州上從之豪猾聞而嗤笑彥光下車發擿姦隱有若神明合境八駭狡猾潛竄乃招致大儒每鄉立學教授策試人皆尅勵風俗大改吏民感悅畧無爭訟卒諡曰襄子文謙弘雅有父風遷鄱陽太守治稱天下最微拜戶部侍郎

田德懋平涼人觀國公仁恭子少以孝友著名開皇初以父軍功爵平原郡公授太子千牛備身丁父艱哀毀骨立廬於墓側負土成墳上聞而嘉之遣侍郎元志就弔仍詔璽書褒美賜縑二百米百石詔表其門閭歷太子舍人義州司馬尚書駕部郎唐呂向字子回涇州人工草隸學通古今開元十年召入翰林兼集賢院校理侍太子友諸王時歲采天下姝好因奏美人賦以諷帝善之擢左拾遺帝好校

獵向又獻詩規諫進左補闕從帝東巡帝令蕃夷酋
長入伏內射禽向諫詔蕃夷出仗久之遷之客郎中
始向之生父岌客遠方不還存亡莫知音信訪索累
年不獲它日自朝還道見一老人物色問之果父也
向下馬抱父足號慟帝聞咨歎官岌朝散大夫賜錦
綵樂工娛懌其心向官至工部侍郎

牛仙客涇州鶉觚人初為縣小史令隴西營田使傅
文靜器之積功遷洮州司馬河西節度使蕭高委以
軍政清勤不懈及嵩執政薦遷太僕少卿開元末為

朔方總管嗇軍省用倉庫積實器械鋒銳遷工部尚
書同中書門下三品為相謹身無他與百司咨決無
所處可惟曰如令式而已卒贈貞簡

牛僧孺字思黯隋奇章公弘後工屬文第進士元和
初以賢良方正對策條指失政宰相怒調伊闕尉改
河南遷監察御史穆宗時為御史中丞宿州刺史李
直臣坐賅當死帝惜其才僧孺曰法以制有才者安
祿山朱泚以才故亂天下帝從之賜金紫以戶部
侍郎同平章事韓弘卒帝遣使者收其家貲簿待朝

臣受賄者皆在淮僧孺注某月日送錢千萬不納帝善之遷中書侍郎敬宗立進封奇章郡公時宦官擅權僧孺數表去位授武昌節度使鄂城土惡亟圮歲增築擾民僧孺陶甃以城鄂城無復歲費又廢沔州以省冗官文宗立復爲平章事尋進弘文館大學士他日帝召宰相問以致太平之道僧孺曰太平無象今四方不內擾百姓安工業雖未入至盛亦足爲治矣更求太平非臣所及退固請罷出爲淮南節度副大使三年召爲尚書右僕射會莊恪太子薨爲陳父子君臣大倫以悟帝帝流涕以足疾乞出爲山南東道節度使賜彛尊龍勺詔曰精金古器以比君子卿宜少留固請乃行卒贈太尉謚文簡

牛蔚字大章僧孺子第進士由監察御史爲右補闕大中初屢作時政宣宗嘉之累遷吏部郎中失權倖意貶國子博士咸通中進至戶部侍郎襲奇章侯久之爲山南西道節度使治梁三年受代黃巢陷京師遁山南故吏民喜蔚至爭迎候後以尚書右僕射致仕

牛徽蔚子蔚避地於梁道病徽扶籃輿歷閣路遇盜擊其首血流面持輿不息盜迫之徽拜曰親老而疾幸無驚駭盜感之曰此真孝子也共舉輿舍之家進帛裹創以饋奉蔚留信宿去擢吏部員外郎時選濫吏多奸歲調四千員徽治以剛明抑杜干請法度復振後名爲給事中李茂貞請假節鉞討楊復恭昭宗怒徽勸帝許之果有功後終刑部尚書

皇甫鏞字餗卿臨涇人第進士兄鏞爲相時任河南少尹見權寵太盛每極言之鏞不悅乃求分司爲太子右庶子鏞取朝廷賢之授國子祭酒開成初以太子少保卒鏞能屬文工詩爲人寡言正色衣冠甚偉所交皆知名士著書數十篇

宋胡順之字孝先原州臨涇人登進士試秘書省校書郎知休寧縣有縣民汪姓者豪橫縣不能制歲租賦常不入逮捕不肯出順之置諸法爲青州從事高麗入貢中貴人挾以爲重使州官旅拜於邸順之獨不拜大姓麻士瑤陰結貴侍匿兵械服用擬尚方州縣被凌蔑莫敢發其姦又殺其兄子其母訴於州衆相

視曰孰敢往捕者順之盡得其黨有詔鞠問士瑤論死子弟流放者百餘人改知常熟縣遷太常博士明道間再上宰相書乞太后還政仁宗嘉其忠遷尚書屯田員外郎其後數論朝廷事范仲淹愛其才州里皆敬之

曲 珍字君玉隴干世族寶元康定間夏人屢入寇珍諸父糾族黨禦之敵不敢犯於是曲氏遂以材武長雄邊關珍善騎擊劔嘗與諸父出塞游獵猝遇夏兵圍之奮擊六呼夏人披靡得出顧叔未出復持短兵還決鬪遂俱脫元祐初爲環慶副總管夏師數十萬寇涇原珍馳三百里襲破之曲律山俘斬千八百人進東上閣門使忠州以禦使

向 寶鎮戎軍人善騎射年十四遇敵戰斬首二級及壯以勇聞有虎踞五原東西百里斷人迹寶一矢殪之道過潼關巨盜郭邈山多載關中金帛子女寶射走之盡得其所掠嘗至太原梁適射弩再中的授寶矢射之四發三中適曰今之飛將也神宗稱其勇比薛仁貴歷官至嘉州團練使

姚 兕字武之宋史五原人一統志隆德人父賈戰死定川兕補右班殿直爲環慶巡檢與夏人戰一矢斃其酋衆潰因乘之遂破蘭浪敵大舉入邊有悍酋臨陣甚武兕射中其目斬首還明日來攻益急兕射殺數百人裂指流血又遣子雄引壯騎馳掩其後敵退攻大順城兕復往救轉鬪三日斬級數千卒全二城後慶軍叛兕守西關益不得入而奔兕追及與語皆感泣羅拜誓不復爲亂神宗聞其名召入覲賜銀鎗袍帶遷都監從攻河州飛矢貫耳戰益力河州旣

得又爲鬼章所圍兕曰解圍之法當攻其所必救乃擊隴宗圍遂解從攻交趾有功領雅州刺史徙熙河與种誼合兵討鬼章於沈州擒之并通州團練使兕以父戰死凡圖畫器用皆刻仇讐未報字事母盡孝力學兵法老不廢書尤喜顏真卿翰墨曰吾慕其人耳弟麟亦有威名關中號二姚

姚 麟字君瑞兕兕攻河州時俱在兵間中矢透骨以強弩出鏃笑語自若積功至皇城使從李憲討生羌擒冷雞朴再轉英州刺史元豐西討從劉昌祚出

戰勝之督諸軍討堪哥平經畧使盧秉上其功狀賜金帛六百元祐初擢威州團練使歷殿前都虞候紹聖三年拜武康軍節度使王瞻取青唐麟以爲朝廷討伐方息肩柰何復生此大患已而瞻果敗徽宗立進檢校司徒卒贈開府儀同三司麟爲將沉毅持重不少縱捨宿衛將常犯法詔釋之麟松之於庭而後請拒詔之罪故所至肅然

姚雄字毅夫兕子少勇鷲有謀年十八卽佐父討金湯以百騎先登奪隘又成荔原之功歷涇原秦鳳

將累佐騏驎使紹聖中渭帥章棗城平夏夏人傾國來爭雄與鏖鬪流矢注肩戰愈厲敵引卻追躡大破之斬首三千級徙知會川王瞻畧地青唐羗人攻湟鄯雄與苗履援之羗驚潰履謂無虞誰嚴備以待俄而賊至雄整衆迎擊破之獻馘二千哲宗遣中使勞問徙河州种朴戰没王瞻軍陷敵中雄自鄯至湟四戰皆捷拔出之遂築安鄉關夾河立堡以護浮梁通湟水漕運商旅負販入湟者始絡繹於道復加防禦使建中靖國初議棄湟州雄以爲可棄蔡京用王厚

復河湟治棄池罪停雄官光州居住後竄金州及西
寧諸戍阻絕乃起雄權經畧熙河使召詣闕爲中太
乙宮使引疾納節鉞改左金吾衛上將軍尋以檢校
司空致仕卒贈開府儀同三司諡武憲

郭成字信之德順中安堡人從軍得供奉官王師
趨靈武成將涇原兵擊破夏人於漫野隘有羗馳突
陣前大將劉昌祚曰誰能取此者成躍馬斬其首以
獻朝廷築平夏城置將戍之問可守者諸將皆曰非
郭成不可遂使成守夏人恚失地傾國入爭連營百

里飛石激火晝夜不息成與折可適以萬騎異道並
進遂俘阿埋郁逋二大酋捷聞進雄州防禦使涇原
鈐轄徽宗詔築綏戎懷戎二堡成獨當其役暴露雪
中感疾卒帝悼之甚賻以金帛官其子成輕財好施
名震西鄙廉訪使王孝竭白於朝帝手書報曰郭成
盡忠報國有功於民宜載祀典榜其廟曰仁勇
郭浩字充道成子徽宗時充環慶路第五將部將
嘗率百騎至靈州城下夏人以千騎追之浩手斬二
將首以還擢涇州兵馬都監尋陞鄜延路安撫使時

二敵交侵浩守保安一軍對壘一年敵不能犯後爲秦鳳路經畧使知秦州金人侵和尚原浩與吳玠隨方捍禦蜀賴以全遷防禦使金人以步騎十餘萬窺川口抵殺金坪浩與吳玠大破之遷彰武軍承宣使徙知金州金州殘敝特甚浩招募流亡開營田以其規置頒示諸路初廷嘉之凡有奏請得以直達金人還河南地以浩充陝西宣諭使知金州後拜檢校少保卒贈少師謚恭懿

楊政字直夫原州臨涇人崇寧初父忠與夏人戰

歿政甫七歲哀號如成人母曰此兒孝於親必忠於君其大吾門乎建炎間從吳玠擊金人九戰九捷紹興元年金人趨和尚原政引兵大破之拜恭州刺史四年金精兵十萬欲道仙人關入蜀政說玠曰此地爲蜀阨塞當堅守玠遂築壘關外敵帥督戰益急政以神臂弓射之又出不意夜斫其營敵遁去授環慶路安撫使政母留敵境遣八省母母惟勉以忠義後和議成始迎母歸詔封感義郡夫人以政爲熙河路經畧安撫使知熙州又敗金人於鳳翔又敗金人於

甘肅通志 卷三十五
寶鷄擒萬戶。泚檢凡大戰七，斬獲甚多。拜武當軍節度使，和議成，召還軍民。詣部使者，借留加少保。久之，拜太尉，卒。贈開府儀同三司，諡襄毅。政守漢中六堰，久壞失灌溉之利，政爲脩復。漢江水決爲害，政築長堤捍之，凡利於民者，不敢以軍旅廢。政爲吳璘裨將，及與璘分道建節，執門下之禮，益恭，世頗賢之。

吳玠字晉卿，德順軍隴干人。少沉毅，知兵，善騎射，讀書能通大義。以良家子隸涇原軍，政和中爲隊將。從討方臘，破之。夏人攻懷德軍，玠追擊，斬級多，擢第

二副將。建炎初，金人畧秦雍，玠逆擊，入破之，追奔三十里。金人攻延安府，玠攻華州，拔之。張浚巡關陝，授玠統制，升涇原路副總管。尋爲秦鳳副總管，時兵火之餘，玠勞來安，衆民賴以生。轉忠州防禦使，張浚合五路兵欲與金人決戰，玠言宜守要害，須其弊而乘之不聽。遂大潰，玠收散卒保和尚原，積粟繕兵爲死守計。鳳翔民感其惠，相與夜輸芻粟助之。玠償以銀帛，民益喜。金人恣邀殺之，民輸如故。敗金將烏魯折合，拜明州觀察使，兼陝西都統制。兀朮會諸道兵十

餘萬攻和尚原玠命分番迭射號駐隊矢連發如雨
注大敗之兀朮中流矢走以玠爲鎮西軍節度使撒
离喝長驅趨洋漢玠自河池日夜馳三百里以黃柑
遺敵撒离喝大驚大戰饒風嶺六晝夜死者山積未
幾金人北歸玠令邀擊之死者以千計盡棄輜重去
進玠少保階成鳳州制置使敵復攻仙人關與弟璘
合擊敗之金人宵遁復秦鳳隴三川拜少師保定軍
節度使玠與敵對壘十年常苦遠餉勞民益治屯田
歲收至十萬斛治廢堰民知灌溉可恃願歸業者數
萬家進四川宣撫使卒於仙人關謚武安玠善讀史
用兵本孫吳務遠畧不求小近利故能必勝御下嚴
而有恩故士樂爲之死用將佐視勞能爲高下先後
方金人一意睨蜀微玠身當其衝無蜀久矣故西人
至今思之立廟於仙人關號忠烈淳熙中追封涪王
子拱亦握兵

吳璘字唐卿玠弟也從玠攻戰積功至宣贊舍人
紹興初箭筈關之戰璘功居多守和尚原兀朮大入
玠兄弟死守合三十餘陣璘隨機而應兀朮中流

矢遁陞副都總管玠命別營仙人關金帥撒离喝以兵十萬至璘血戰七晝夜金兵大敗自是不敢窺蜀者數年除知秦州金兵大入璘守河池屢敗之又以疊陣法更休迭戰士殊死鬪金將胡蓋習不祝大敗降者萬人胡蓋走保臘家坂璘圍而攻之城垂破詔班師秦檜主之世將浩歎而已後入覲拜少保三十年金主敗盟拜四川宣撫使兼陝西河東招討使遣將屢敗敵兵乾道初入朝拜太傅封新安郡王改判興元府及還鎮兩宮宴餞甚寵入辭德壽宮高宗解佩刀賜之璘至漢中脩復褒城古堰溉田數千頃民甚便之卒贈太師追封信王璘守蜀餘二十年隱然爲方面之重威名亞於玠

吳挺字仲烈璘子累遷利州東路統制紹興三十一年金人渝盟挺願自力軍前以爲中軍統制旣復秦州金人以兵來爭挺破其治平砦已而戰南市城挺率背嵬騎盡見黃旗繞出敵後敵遂驚敗擢榮州刺史以瓦亭功授郢州防禦使淳熙年除陝西河東路宣撫使尋加熙河路經畧安撫使時年二十五會

議和旋軍十年冬加檢校少保成州西和歲大歲挺力爲賑恤分軍儲以佐之全活數十萬紹熙四年以疾乞致仕詔加太尉卒贈少師挺少起勲閩弗居其貴禮賢下士雖遇小官賤吏不敢怠忽拊循將士人人有恩璘故部曲拜於庭下輒降答之卽失律誅治無少貸璘嘗對子宗言諸子中惟挺可任

金張中孚字信甫安定鎮戎人父達仕宋至太師封慶國公金圍太原戰歿於軍中孚涕泣率部曲十餘人入大軍中竟得父尸以還後降金睿宗以爲鎮洮軍節度使知渭州劉豫括民田籍丁壯爲軍中孚竟執不從涇原獨免培克之患後拜參知政事遷尚書左丞相封南陽郡王卒中孚天性孝友剛毅與弟中彥居未嘗有間言晷讀書馭士卒嚴而有恩西人尤畏愛之

張中彥字才甫中孚弟歷官至臨洮尹兼西秦路都總管鞏州賊劉洩搆亂中彥惟論爲首者戮之西羌恃險不服朝廷使御史就論方畧中彥曰此羌服叛不常若非由彥自行勢必不可卽至積石豪長四十

來約降事遂定加儀同三司

明楊思道字夢輔為元鞏昌總管善易學時明兵北伐思道乃棄官遁華亭西山大將軍知其賢命署縣事遭兵亂餘民止八戶思道乃招諭民戶凡千一百有奇遂葺縣治脩學校久之思道返占籍為武村里人藩臣薦為本學訓導陞山西襄陵教諭九年致仕劉 偲靈臺人辟經明行脩授福建道監察御史久居風憲有聲名

張 諒字子貞華亭人聰明過人有膂力善騎射居家孝友嚴肅輕財好義永樂中以貢生歷官貴州參議諸苗反英宗知諒嚴明可用詔至煖閣親諭賜白金及劍俾專征遂討平之陞參政

黃 種隆德人永樂中貢生除戶科給事中鯁介不苟久居清要及歸行李蕭然

楊 諶字伯維華亭人舉永樂十五年鄉試有謀畧善騎射初任工部主事陞湖廣司郎中正統間寧德等縣礦賊反官軍討之失利英宗諭諶討之諶承命不歸私第既卒宣布朝廷恩意招來王孟光等一千

一百四十九戶給糧存恤諸縣遂安獨崇悅不降謀
率衆直抵其寨悉擒之閱賊穴婦女財貨不可勝計
今日敢私者斬俾婦女各歸其家餘悉籍奏詔嘉之
陞本部侍郎兼撫治寧夏

王珏涇州人登永樂十九年進士爲監察御史骨
鯁敢言朝野望其風采時人呼爲鐵面御史

余俊平涼人宣德正統間歷任介休聞喜二縣教
諭俱教有成效陞成都府教授

王政字裕民華亭人天性孝友有學行善騎射正
統中以監生授工部主事歷任員外郎中成化初擢
浙江參政時有叛賊王好已作亂政率兵平之

齊禮字克敏隆德人正統間貢性剛介居家以孝
友稱授陝州知州有異政先是州多虎患禮至虎悉
遠去又池生瑞蓮人以爲德政所致九載考最陞貴
州黎平知府拊循苗夷興學校設科條以表正風俗
爲務卒於官黎人思之爲立祠

郭堅字屏翰靜寧州人正統十四年貢慷慨好義
負有大志勤苦力學卓爲時望歷知密雲順義東鹿

三縣陞涿州知州政績甚著

石 輅字君輿華亭人膂力善射舉景泰七年鄉試成化會試場災士爭踰牆輅援之悉生授南城兵馬指揮有盜百餘人聚劫東城富民輅馳救射殺數人獲其魁餘皆遁走憲宗聞之詔賜紵絲白金補東城兵馬繼擢高唐知州路當要衝清約却饋大變奢風民貧者爲置牛租母彘以爲業逋逃者招歸凡有利可興者悉舉之高唐民戴如父母及去民刻碑頌遺愛焉

林廷玉字粹夫平涼人本福建侯官籍以父芝教授平涼遂家焉成化二十年進士授吏科給事中劾僧維曉棄市中外快之陞工科都給事中學士程敏政主會試給事中華敞劾其賣題下獄廷玉言諫官下獄被劾官顧朝參非法請同敏政入獄以昭公道謫廷玉海州判官稍遷茶陵知州歷右通政僉都御史巡撫保定劾太僕丞索賂暴民者丞恃中助反誣訟玉罷之嘉靖初吏部侍郎胡世寧薦玉骨鯁有風裁宜引助新政不果用

史 書字獻忠靈臺人成化十一年進士授山西陽城知縣年尚少大猾路省祭輕之置諸法民皆驚服省里甲貫小罪盜賊如期百務咸集再知平山縣民習朴治以無事歷吏部員外郎擢守保寧多善政視事九年以清介稱

郭 遯靜寧人涿州刺史堅子工騎射成化四年從總督項忠討石城賊戰輒當先擒偽招督王滿四授秦州衛鎮撫十三年從都御史余子俊討洮岷叛番有功陞百戶累官指揮僉事嘗將精兵摧鋒陷陣屢有斬獲尋陞都指揮僉事

張 琬字文璧鎮原人少穎悟有幹局成化八年進士授工部主事查定魏二公勅賜蘆灘額外地奏屬有司以供官廠薪費陞真定知府興脩學舍積粟賑饑漚沱河泛溢沒民田廬畝疏新河洩水又築長堤百餘里民賴以安內官李廣奪民田奏檄踏勘歸田於民陞河南參政督餉革弊歷官中外有名所至輒集事云

張 倫平涼衛人成化十四年進士清直自勵學以

經濟爲先任南京戶部主事郎中俸悉給官費無遺
留丙午河陝大饑倫請發江淮運米數十萬往賑旱
甚河漕運阻倫百方經畫濟以陸輓致米二十餘萬
不能至者糶之河南以估金賑陝活數十萬人竟以
勞卒於河南人爲立祠

趙斌字時憲平涼人弘治十三年進士溫厚寡言
有膽畧爲舉人時路遇盜數十人斌下馬持弓盜問
何人斌從容曰吾平涼趙斌矢不空發盜馳去以行
人擢監察御史凡十餘年掌京畿道陞應天府丞歷
任爲政或有方畧

仇鉞字廷威鎮原人襲寧夏前衛指揮同知世職
正德二年總制楊一清薦擢寧夏遊擊將軍五年安
化王寘鐸及指揮何錦周昂丁廣反鉞時駐城外聞
變引兵入城解甲覲寘鐸歸家稱病以所將兵
分隸賊營錦等信之時就問計鉞陰結壯士遣人令
報官軍旦夕至給錦廣出兵守渡口遏東岸兵勿使
渡河錦廣果傾營出昂獨守城寘鐸以禡牙召鉞鉞
稱病亟昂來視鉞方堅卧伏卒猝起捶殺昂鉞乃被

甲橫刀提其首躍馬大呼壯士皆集馳詣寘鐻第縛之諭其部曲衆遂大潰論功封咸寧伯進署都督僉事充寧夏總兵官七年劉惠趙鏐等亂河南拜平賊將軍偕都御史彭澤討之連戰皆捷俘斬不可勝計盜首先後被擒出師四月河南悉平論功進世侯十年稱疾解營世宗立再起掌前府事未上卒諡武襄

周鑑字子明平涼人舉嘉靖三十一年鄉試第一三十二年進士授刑部主事考最陞僉事督學四川

山東其所品鑑一時得士最盛多士多出其門陞河南左布政使遷右副都御史鑑有政才所至多風力持法嚴人不敢犯雖藩府每事必裁抑妖賊曹倫起儀封鑑擒斬之所司具狀上聞爲忌者所沮抑竟未叙功張居正當國威讐朝野以莽親歸道過河南卿大夫迎謁禮甚卑鑑獨守常儀居正不悅語人曰周子明殊無東道意鑑遂抗章自劾求去凡五上未允部議擬調俄有中旨准致仕歸家

何宗賢涇州人成化間進士官僉事弟宗禮亦官副

使兄弟講學有文名

姚 爵字汝脩壽寧人正德六年進士初授刑部主事歷陞湖廣司郎中公月杲斷廉正自持歲戊寅武宗巡遊爵抗疏累諫廷杖幾斃辛巳春奉命勘事大名府稱平允恤刑四川理冤伸枉尤多平反陞河南開封知府未赴任道卒

董希曾隆德人舉正德十一年鄉試初授保安知州礦盜可洪等衆二十餘連結鼓煽伺釁將發時承平日久郡縣無備希曾結以恩信開誠布公賊感悅相率歛輯卒不爲亂尋陞東昌府同知亦著政績

趙時春字景仁平涼人爲人嚴毅介特與士大夫處意有所不可議論有所不合必引繩按矩詰責之不少貸人服其正年十四舉於鄉踰四年舉嘉靖五年會試第一授庶吉士改戶部主事尋調兵部九年疏請禁諛佞正士風又疏請崇治本信號令廣延訪勵廉恥惜人才固疆圉正治教七事下詔獄黜爲民既起編脩兼司經局校書帝有疾疏請東宮御殿受正旦朝賀復黜爲民會京師被寇世宗用薦召爲兵部

職方主事仇鸞恃寵倡馬市損國擾邊時春抗議不合又以能兵爲鸞所忌幾得罪稍遷山東僉事轉副使三十二年擢巡撫山西僉都御史提督雁門諸關武備甚脩其爲政斥貪墨省征徭抑請托絕饋遺宗藩貴宦相戒不敢犯法其年九月寇入神池利民諸堡時春率兵往禦擐甲策馬至大蟲嶺遇伏兵敗績被論解官時春少喜談兵讀書善強記凡天文地理戶口錢穀多寡之數能歷歷誦之所爲文章豪肆與唐順之王慎中齊名唐順之嘗曰宋有歐蘇明有王趙其推重如此著有浚谷集行世

許理字伯溫鎮原人正德六年進士授丹陽知縣羣奸橫征苦誅求邑當要路理省費十之三豪右欺隱公帑各數千並累請謁縣令莫能治理置之法而括財歸官會水災租不入悉以前金代輸陞任兵科將行民垂涕贖金送者千餘人理悉卻之及給諫彈劾不避權貴大吏貪墨并時政之弊者輒上封事論皆得體中外憚之

劉時中字大杰華亭人國學生正德十四年授大名

府檢校幹敏疏通太守任君中深賞之數任以疑事
事皆辦開州豪吏韓甲爲伯所訟州使徒往捕甲甲
擊殺徒藏其衣壁中而屍於伯氏之門州收其伯掠
治承服時中覆訊盡得枉狀部徒搜甲獲其衣刀闔
府驚異大名縣喪尹吏民以亂時中攝行數月卽治
剡懷德隆德人貢生授永川丞攝縣事嘉靖間值白
蓮賊反勢甚張旬日陷七縣轉寇永川吏民震恐懷
德以忠義激勸嬰城固守賊悉衆薄城攻甚力懷德
應變俱有方畧引弓射中賊帥衆乘勢百弩齊發賊
敗遁率衆馳逐俘斬數百人

楊文奎隆德人以貲補國子生授靈邱知縣有幹才
持正不阿縣故有虎爲民害文奎齋沐禱祀三日虎
竟死太白山有曠跡中官欲奏聞之文奎以爲擾民
堅執不可事得已近山多盜時出寇掠文奎謀知選
壯士二百人躬擐甲胄率二子往討之斬首五十餘
級賊遂平陞衢州府同知

李 廸隆德貢生除房縣主簿居官務以善導人不
喜刑名時縣以爭田訟者七十餘家廸嘆息曰是關

風化非刑獄所能止也廼期日引諸訟者集列庭中爲之陳遜讓敦睦之義往反開曉辭氣悵惻於是訟者感愧各願罷去無復以田爲言者廼治理率多類此及去民思其德爲立祠

張世爵崇信人嘉靖間貢二任以川安居縣簿爲政寬平廉靜不尚苛刻故事司糧務者歲有例金里甲循例以獻世爵曰若輩以吾爲何等乃以赤蹠相汚耶揮之去宥過獎善以誨諭代鞭朴安人感德立祠祀之居鄉睦婣尚義里黨矜式

靳賢字子哲靜寧州人舉隆慶元年鄉試性至孝萬曆中知沁源縣俗多逋租率由田土未清賢履畝勘丈絕其兼并自是沁源無催科之累又捐俸置機房以教民織縣城土築賢至始甃以磚沁人感戴爲之立祠尋擢潞安府通判晉事漳州皆稱明決時值歲歉捐資賑濟全活尤多賢丰姿挺秀自律甚嚴而待人和藹尚義好施親族賴之

江渤字漢海靜寧州人性鯁介慎名節恬退自矢萬曆二十一年選貢除知山西芮城縣時縣有陋規

新令起任送途費三百金渤揮去曰此民脂膏耳何玷吾官箴爲解組日囊橐蕭然歸里杜門手不釋卷獸居衣冠危坐聞官司過門輒起立古冥行君子也董三秦隆德人萬曆十年選貢歷官河南真陽知縣爲人廉正難干以私其治真陽鋤強豪拊循柔善深得寬猛之宜時白蓮教寇亂勢甚劇三秦往招之賊素服其威信胥受撫

連捷字金門平涼人工舉子業試輒冠儕輩久著名諸生門舉天啓元年鄉試爲人寬和尤敦友讓與弟芳同居終身無間言素恬靜不與人競未嘗見有睚眦之怨鄉曲皆稱之

楊可教靈臺人萬曆間貢生任城武訓其先仲紀以貢尹豐潤長厚多善政以理學傳家可教博聞強記窮極經史時與弟可立互訂理學耄年不衰

董三策隆德人萬曆間貢士授黃州府通判性廉介持正不阿其佐郡治以薄賦稅寬民力爲急在官數年政化大行遠人歸慕去官黃州人思之爲立祠萬曆四十五年隆德饑時三策居家出所積俸糴粟收

養宗族計丁授食舉宗無有饑者

王 琪字公甫靜寧州人少穎達好古博學家世藏書數萬卷爲文有體詩亦入格善書法與弟瓚齊名而行誼素孚於人以副榜入貢所著有鞞線集

王 瓚字藍壁靜寧州人明末進士授山西孝義知縣遷黃梅令除兵錮害梅民立碑志德歷陞湖廣武昌僉事道時闖獻猖獗江漢震驚瓚調兵駐防分守衝要設伏誘擊擒殺頗多而賊衆益集攻陷楚城瓚扣左良玉軍門號泣請師瓚擐甲督陣直抵鄂渚斬賊萬計不旬日而武黃漢三郡州縣皆復如故尋陞參政卒年七十七

皇清楊可立字止止靈臺縣人淹貫羣書少工文藝究心周程張朱之學體認求放心工夫樂教人爲善建塾訓鄉里子弟遠近從之以明經授藍田訓導陞鎮安教諭優恤貧生致仕歸設義田周窮乏晚尤好學篤行著述甚多學者稱爲可齋先生值歲荒有百餘人採食首藉可立潤之各給米數斗去有羣盜攻掠居民謂其衆曰楊某名賢衆毋擾其爲小人敬服如此

慕天顏字拱極靜寧州人順治十二年進士初任浙江錢塘縣令陞福建興化知府審理軍需案費關百萬事連府州縣官數百人屢年不決天顏得其要乞庫帑以清尋攝太常卿招撫臺灣授興泉道陞江蘇布政使入

覲條奏八事其一黃淮全局情形其二淮揚涸田寬徵其三請除荒坍田糧其四請減浮糧額數其五永行均田均役其六選用守令能員其七恤給罪囚口糧其八閩海寨遊設防而治河閩防二事荒坍浮糧之弊

尤爲確切康熙十五年陞江蘇巡撫十六年捐造烏船四十隻火藥二十萬斤砲手一千二百名解送岳州軍前加兵部尚書江南屢荒皆由水道不治復奏大興水利請濬甯熟白茆港武進孟瀆河諸處蓋吳淞劉河白茅孟瀆爲蘇松常鎮之四大幹河不可不急治也疏入報可又蘇松常太長等十州縣有歷久版荒之田有江湖衝塌之坍江有地入公家糧存漏戶謂之公占三者歷年里甲包賠官司那墊至是因地震陳言請豁勘實坍荒田地共二千三百六頃歷

年缺額銀二百三萬零而版荒坍江公占諸虛租遂
得永豁以覈京口駐防事去官二十三年起復湖北
巡撫旋調貴州陞總督漕運因條列漕政復歲造船
隻之例剏渡江先後之法請江北紅白兼收以便土
宜又嚴斛卒盪驗之法於邇淮倡合幫互挽之條於
上閘所著有撫天封事楚黔封事督漕封事輯瑞陳
言刻行後卒於蘇州葬於吳

